

ցին Ճանապարհին սովածութիւնից եւ ցրտից: ¹
 Ի՞նչ աղբիւրներից է քաղել Պ. Եզեանը այդ
 տեղեկութիւնը, դժբախտաբար, չէ բացա-
 տրուած, բայց այդ թիւն անհաւանական է
 թւում մեզ, որովհետեւ 60.000 ընտանիքը
 նշանակում է 600.000 հոգի ու դժուար թէ
 Ճանապարհին, եթէ կոտորուած լինէին քաղցից
 ու ցրտից 40.000 ընտանիք, կամ 400.000
 հոգի, այդ ահագին թուի մասին պատմագիր-
 ները լռէին: Պէտք է ենթադրել, եւ այդ շատ
 հաւանական ենթադրութիւն է, որ որքան էլ
 Շահաբբասը միջոցներ գործ դրեց դատարկելու
 Արարատեան երկիրը Հայերից, բայց դարձեալ
 շատերին յաջողուեց մնալ իրանց տեղերում եւ
 շատերն էլ գուցէ Ճանապարհից փախչելով
 վերադարձան իրանց նախկին տեղերը, որովհե-
 տեւ Ագամ Օլէարիուս, որ այցելեց Շամախին
 1636 թուին, յայտնում է, որ այդ քաղաքում
 շատ Հայեր կային, եպիսկոպոս ունէին եւ նկա-
 րագրում է Ջօրհնեաց հանդէսը, որ Հայերը,
 Շամախու խանի հրամանով կատարեցին 1637
 թուին յունվարի 6ին, գետի վրայ, Օլէարիուսի
 եւ Մոսկուայի դեսպան Ալէքսէյ Սավինովիչի
 ներկայութեամբ: Նոյնպէս Շարդէն Թիֆլիսից
 սկսած մինչեւ Թավրէզ ամէն տեղ ցոյց է տալիս
 Հայերի մեծ բազմութիւն:

Ջրիբեցի Ստեփանոս քահանայ պատմա-
 բանը, որ գրել է իր պատմութիւնը սկսած

1 Г. Я. Езовъ, Сношенія Петра Великаго съ армян-
 скимъ народомъ, С. Петербургъ 1898, էջ V.